

慧日佛學班第 04 期

《大智度論》卷 25

〈釋初品中四無所畏義第四十〉¹

(大正 25, 241b19-247b3)

釋厚觀 (2008.05.24)

壹、勸學十力等佛法 (承上卷 24)

貳、依聲聞法釋「十力」 (承上卷 24)

參、依聲聞法釋「四無所畏」

(壹) 引經說四無所畏

一、出名相 (印順法師,《大智度論筆記》[C001] p.179)

四無所畏²者。

(一) 正知一切法無所畏

佛作誠言：「我是一切正智人。若有沙門、婆羅門，若天、若魔、若梵、若復餘眾，如實言：『是法不知。』乃至不見是微畏相。以是故，我得安隱，得無所畏，安住聖主處，如牛王³，在大眾中師子吼，能轉梵輪；諸沙門、婆羅門，若天、若魔、若梵、

¹ (大智度論……五) 十九字 = (大智度論卷第二十五釋初品中四無畏) 十六字【元】，= (大智度論卷第二十五釋初品中四無畏第四十) 十九字【宋】，= (大智度論卷第二十五釋初品中四無畏四無礙智) 二十字【明】，= (大智度論卷第二十五釋初品中四無畏第三十三) 二十字【宮】，= (大智度論卷第二十五釋菩薩四無所畏) 十六字【石】。(大正 25, 241d, n.10)

² (1) 參見 Lamotte (1970, p.1567, n.1)：以下各經都有四無所畏：1、《增壹阿含經》卷 19〈27 等趣四諦品〉(大正 2, 645b26-c17)；2、《增壹阿含經》卷 42〈46 結禁品〉(大正 2, 776c21-777a2)；3、《摩訶般若波羅蜜經》卷 5〈19 廣乘品〉(大正 8, 255b23-c20)；4、《大般若經》卷 415 (第二分)〈17 念住等品〉(大正 7, 81a16-b20)。

(2) 《大般若波羅蜜多經》卷 415〈17 念住等品〉：「復次，善現！菩薩摩訶薩大乘相者，謂四無所畏。云何為四？

善現！若無所得而為方便，自稱我是正等覺者，設有沙門、若婆羅門、若天魔梵、或餘世間，依法立難及令憶念，言於是法非正等覺，我於彼難正見無因。以於彼難見無因故，得安隱住無怖無畏，自稱我處大仙尊位，於大眾中正師子吼轉妙梵輪。其輪清淨正真無上，一切沙門、若婆羅門、若天魔梵、或餘世間，皆無有能如法轉者。是為第一。

善現！若無所得而為方便，自稱我已永盡諸漏，設有沙門、若婆羅門、若天魔梵、或餘世間，依法立難及令憶念，言如是漏未得永盡，我於彼難正見無因。……是為第二。

善現！若無所得而為方便，為諸弟子說障道法，設有沙門、若婆羅門、若天魔梵、或餘世間，依法立難及令憶念，言習此法不能障道，我於彼難正見無因。……是為第三。

善現！若無所得而為方便，為諸弟子說盡苦道，設有沙門、若婆羅門、若天魔梵、或餘世間，依法立難及令憶念，言修此道不能盡苦，我於彼難正見無因。……是為第四。

善現當知！是為菩薩摩訶薩大乘相。」(大正 7, 81a16-b20)

³ (1) 《思益梵天所問經》卷 1〈4 解諸法品〉：「當知是人為如牛王，能導大眾。」(大正 15, 40a1-2)

(2) 《佛說無量壽經》卷 2：「猶如牛王，無能勝故。猶如象王，善調伏故。如師子王，無所畏故。」(大正 12, 274a28-29)

(3) 《摩訶僧祇律》卷 18：「世尊當中坐，威德特尊，巍巍無上；猶如牛王在牛群中，如師子王在眾獸中。」(大正 22, 370a13-14)

若復餘眾，實不能轉。一（241c）無畏也。」

（二）盡一切漏習無所畏

佛作誠言：「我一切漏盡。若有沙門、婆羅門，若天、若魔、若梵、若復餘眾，如實言：『是漏不盡。』乃至不見是微畏相。以是故，我得安隱，得無所畏，安住聖主處，如牛王，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。二無畏也。」

（三）說一切障道法無所畏

佛作誠言：「我說障法。若有沙門、婆羅門，若天、若魔、若梵、若復餘眾，如實言：『受是障法，不障道。』乃至不見是微畏相。以是故，我得安隱，得無所畏，安住聖主處，如牛王，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。三無畏也。」

（四）說盡苦聖道無所畏

佛作誠言：「我所說聖道，能出世間，隨⁴是道，能盡諸苦。若有沙門、婆羅門，若天、若魔、若梵、若復餘眾，如實言：『行是道，不能出世間，不能盡苦。』乃至不見是微畏相。以是故，我得安隱，得無所畏，安住聖主處，如牛王，在大眾中師子吼，能轉梵輪；諸沙門、婆羅門，若天、若魔、若梵、若復餘眾，實不能轉。四無畏也。」

二、經說「四無所畏」之緣由

問曰：以何事故說四無所畏？

答曰：

（一）欲斷人疑

有人言：「佛自稱一切智、一切見；世間一切經書、技術、智巧、方便，甚多無量，若一切眾生共知一切事猶尚難，況佛一人而有一切智！或有是事、有是⁵難，佛將無有畏？」而⁶欲斷是疑妄、斷是難故，佛說「四無所畏」。

（二）欲滅外謗

復次，若佛未出，世間外道等種種因緣，欺誑求道、求福人。或食種種果，或食種種菜，或食種種草根，或食牛屎⁷，或日一食稊稗⁸，或二日、或十日、一月、二月一食，或噏⁹風、飲水，或食水衣¹⁰，（242a）如是等種種食；或衣樹皮、樹葉、草衣、鹿皮，或衣板木；或在地臥，或臥杵上、枝上、灰上、棘上；或寒時入水，或熱時五熱自炙¹¹；或入水死，入火死，投巖死，斷食死¹²——如是等種種苦行法中，求天

⁴ 隨＝行【明】。（大正 25，241d，n.11）

⁵ 是＋（事）【宋】【元】【明】【宮】。（大正 25，241d，n.14）

⁶ 〔而〕－【宋】【元】【明】【宮】。（大正 25，241d，n.15）

⁷ 屎＋（或食稊稗）【宋】【元】【明】【宮】。（大正 25，241d，n.17）

⁸ 〔稊稗〕－【宋】【元】【明】【宮】【石】。（大正 25，124d，n.18）

稊稗（ㄊㄨㄟˋ ㄋㄟˋ）：一種形似穀的草。（《漢語大詞典》（八），p.96）

⁹ 噏（ㄒㄧˋ）：同“吸”。（《漢語大字典》（一），p.685）

¹⁰ 水衣：1.青苔，蒼苔。（《漢語大詞典》（五），p.860）

¹¹ 〔唐〕釋道世撰，《法苑珠林》卷 79：「外道五熱炙身，不識心本（四面安火，上有日炙，身處其中，以苦求道）。」（大正 53，871b23-24）

上，求涅槃，亦教弟子令不捨是法；如是引致¹³少智眾生以得供養。

譬如螢火蟲，日未出時，少多能照；若日出時，千光明照，月及眾星皆無有明，豈況螢火？若佛未出世，諸外道輩小明照世得供養；佛出世時，以大智光明，滅諸外道及其弟子，皆不復得供養。以失供養利故，便妄語謗佛及佛弟子。如《孫陀利經》¹⁴中說，自殺孫陀利而謗佛，語眾人言：「世間弊人¹⁵尚不為是，是人世間禮法尚不能知，何況涅槃！」¹⁶

佛欲滅如是等誹謗故，自說實功德——「四無所畏」，言：

「我獨是一切智人，無有能如實言『佛不能知』，我不畏是事。

我獨一切諸漏及習盡，無有能如實言『佛漏未盡』，我不畏是事。

我說遮涅槃道法，無有能如實言『是法不能遮涅槃』，佛不畏是事。

佛說苦盡道達到涅槃，無有能如實言『是道不能到涅槃』，佛不畏是事。」

三、出體（印順法師，《大智度論筆記》〔C001〕p.179）

略說是四無所畏體：一者、正知一切法，二者、盡一切漏及習，三者、說一切障道法，四者、說盡苦道。

是四法中，若有如實言「不能盡遍知」，佛不畏是事。何以故？正遍知了了¹⁷故。

四、約自他具足，智斷具足分別（印順法師，《大智度論筆記》〔C001〕p.179）

（一）約自他具足

初二無畏，為自功德具足故；後二無畏，為具足利益眾生故。

（二）約智斷具足

復次，初、第三、第四無畏中說智，第二無畏中說斷；智、斷具足故，所為事畢。¹⁸

五、通難

（一）無畏與力之異，二十說（印順法師，《大智度論筆記》〔C001〕p.179）

問曰：十力皆（242b）名智，四無所畏亦是智，有何等異？¹⁹

¹² 參見《大毘婆沙論》卷 33：「諸外道妄執種種露形、自餓、臥灰、服氣、隨日而轉，或唯服水、嗽菓、食糞，著糞掃衣、臥木礫石、投巖、赴火，行牛等行，以為真道。佛為遮彼，作如是言：彼是邪道，愚人所習；真道唯一，無別第二真道。」（大正 27，172c18-23）

¹³ 引致：引薦羅致，使之來。（《漢語大詞典》（四），p.94）

¹⁴ 參見《佛說義足經》卷上《須陀利經》（大正 4，176b12-177c19）。

¹⁵ 弊人：卑鄙的人。（《漢語大詞典》（二），p.1318）

¹⁶ 外道殺孫陀利女謗佛。（印順法師，《大智度論筆記》〔G002〕p.379）

《孫陀利經》：「殺孫陀利謗佛」。（印順法師，《大智度論筆記》〔H007〕p.395）

¹⁷ 了了：2.明白，清楚。（《漢語大詞典》（一），p.722）

¹⁸ 參見《順正理論》卷 75：「何緣諸佛無畏唯四？但由此量顯佛世尊自他圓德俱究竟故。謂初無畏顯佛世尊自智圓德，第二無畏顯佛世尊自斷圓德——此二顯佛自利德滿。為顯世尊利他圓德，是故復說後二無畏：第三無畏遮行邪道，第四無畏令趣正道。謂佛處處為諸弟子說障法令斷除，即是令修斷德方便；又於處處為諸弟子說出道令正行，即是令修智德方便——此二顯佛利他德滿。但由此四，隨其所應，顯佛自他智斷圓德至究竟故，唯立四種。」（大正 29，748b26-c7）

¹⁹ 參見 Lamotte（1970，p.1574，n.1）：《雜阿毘曇心論》卷 6（大正 28，922c12-16）；《大毘婆沙論》卷 31（大正 27，159a24-26）；《順正理論》卷 75（大正 29，749a6-14）。

答曰：⁽¹⁾ 廣說佛諸功德是「力」，略說是「無畏」。

⁽²⁾ 復次，能有所作是「力」，無所疑難是「無畏」。

⁽³⁾ 智慧集故名「力」，散諸無明故名「無畏」。

⁽⁴⁾ 集諸善法故名「力」，滅諸不善法故名「無畏」。

⁽⁵⁾ 自有智慧故名「力」，無能壞者故名「無畏」。

⁽⁶⁾ 智慧猛健是「力」，堪受問難是「無畏」。

⁽⁷⁾ 集諸智慧是名「力」，智慧外用是「無畏」。

譬如轉輪聖王七寶成就是「力」；得是七寶已，周四天下無不降伏，是名「無畏」。

又如良醫善知藥方是名「力」，合和諸藥與人是名「無畏」。

⁽⁸⁾ 自利益是名「力」，利益他是「無畏」。

⁽⁹⁾ 自除煩惱是名「力」，除他煩惱是「無畏」。

⁽¹⁰⁾ 無能沮壞是名「力」，不難、不退是「無畏」。

⁽¹¹⁾ 自成己善是名「力」，能成他善是「無畏」。

⁽¹²⁾ 巧便智是名「力」，用巧智是「無畏」。

⁽¹³⁾ 一切智、一切種智是名「力」，一切智、一切種智顯發是「無畏」。

⁽¹⁴⁾ 十八不共法是名「力」，十八不共法顯發於外是「無畏」。

⁽¹⁵⁾ 遍通達法性是名「力」；若有種種問難，不復思惟，即時能答是「無畏」。

⁽¹⁶⁾ 得佛眼是名「力」；佛眼見已，可度者為說法是「無畏」。

⁽¹⁷⁾ 得三無礙智²⁰是名「力」，得應辯無礙²¹是「無畏」。

⁽¹⁸⁾ 無²²礙智是名「力」，樂說無礙智是「無畏」。²³

⁽¹⁹⁾ 一切智自在是名「力」，種種譬喻、種種因緣、莊嚴語言說法是「無畏」。

⁽²⁰⁾ 破魔眾是名「力」，破諸外道論議師是「無畏」。

如是等種種因緣，分別「力」、「無畏」。

（二）何等名「無所畏」

問曰：何等名「無所畏」？

答曰：得無所疑，無所忌難，智慧不却不沒，衣毛不豎，在在法中如說即作，是「無畏」。²⁴

（三）云何知佛無所畏

問曰：云何當知佛無所畏？

答曰：

²⁰ 三無礙智：義無礙智、法無礙智、辭無礙智。

²¹ 應辯無礙：即樂說無礙智。

²² （義）＋無【元】【明】【石】。（大正 25，242d，n.16）

²³ 參見《大毘婆沙論》卷 31：「復次，法、義無礙解是力，詞、辯無礙解是無畏。復次，於法、義無礙解究竟明了是力，於詞、辯無礙解究竟明了是無畏。」（大正 27，159b6-9）

²⁴ 四無所畏：釋名。（印順法師，《大智度論筆記》〔C001〕p.179）

1、能將御大眾故

若有所畏，不能將御²⁵（242c）大眾。能攝、能捨，能苦切²⁶治，或軟語教。如佛一時驅遣舍利弗、目²⁷連等，還復憐愍心受。²⁸

2、能降伏狂惡及度眾得道故

若有所忌難者，諸論議師輩，住憍慢山頂，以外智慧心狂醉，皆言：「天下唯有我一人，更無餘人。」自於經書決定知故，破他經書、論議；以惡口訾毀，如狂象無所護惜。如是狂人：菴跋咤²⁹、長爪³⁰、薩遮祇尼捷³¹、蜺盧坻³²等諸大論議師皆降伏；若有所畏，則不能爾。

及憍陳如等五出家人，漚³³樓頻螺迦葉等千結髮仙人、舍利弗、目捷連、摩訶迦葉等，於佛法中出家，及百千釋子；并諸閻浮提大王：波斯尼示³⁴王³⁵、頻婆娑羅王³⁶、旃陀波殊提王³⁷、優填王³⁸、弗迦羅婆利王³⁹、梵⁴⁰摩達王⁴¹等，皆為弟子。⁴²

諸在家婆羅門，皆度一切世間智慧，為大國王所師仰：梵摩⁴³喻⁴⁴、弗迦羅婆利⁴⁵、

²⁵ 將（ㄐ一ㄉㄨˋ）御：統率。（《漢語大詞典》（七），p.811）

²⁶ 苦切：1.淒愴哀傷。2.懇切，迫切。（《漢語大詞典》（九），p.318）

²⁷ 目+（捷）【石】。（大正 25，242d，n.18）

²⁸ 一時驅遣目捷連等。（印順法師，《大智度論筆記》〔H025〕p.419）

參見 Lamotte（1970，p.1576，n.1）：《增壹阿含經》卷 41〈45 馬王品〉（大正 2，770b14-c9）。

²⁹ 參見 Lamotte（1970，p.1576，n.1）：菴跋咤（Ambatṭha）即阿摩晝，參見 Dīgha（《長部》），I，pp.87-110；《長阿含經》卷 13《阿摩晝經》（大正 1，82a6-88b7）。

³⁰ 長爪（Dirghanakha），參見《大智度論》卷 1（大正 25，61b-62a）；《大智度論》卷 11（大正 25，137a-c）。

³¹ 參見 Lamotte（1970，p.1576，n.1）：薩遮祇尼捷（Satyaka Nirgranthīputra，薩遮祇尼捷子），參見《大智度論》卷 26（大正 25，251c10-21），《大智度論》卷 90（大正 25，699a9-15）。

³² 參見 Lamotte（1970，p.1576，n.1）：蜺盧坻，可能是蜺盧提迦（Pilotika），參見 Majjhima，I，p.175；《中阿含經》卷 26（146 經）《象跡喻經》（大正 1，656a）。

³³ 漚=優【明】。（大正 25，242d，n.2）

³⁴ 尼示=匿大【明】。（大正 25，242d，n.23）

³⁵ 波斯尼示王：即波斯匿王。參見《大智度論》卷 3：「憍薩羅國主波斯匿王。」（大正 25，77a16）《大智度論》卷 27（大正 25，261a18），《大智度論》卷 58（大正 25，470b15）。

參見 Lamotte（1970，p.1577，n.1）：《根本說一切有部毘奈耶破僧事》卷 9（大正 24，142b19-143a19）。

³⁶ 頻婆娑羅王，參見《大智度論》卷 2：「摩伽陀國王頻婆娑羅。」（大正 25，73b20）

另參見《大智度論》卷 3（大正 25，78a-b）；《中阿含經》卷 11（62 經）《頻鞞娑邏王迎佛經》（大正 1，497b-499a）。

³⁷ 《翻梵語》卷 4：「旃陀婆殊提王（應旃施鉢刺樹多，亦云旃陀波周他。譯曰：旃陀者，惡性；鉢刺樹多者，明亦云華也）。」（大正 54，1009a3-4）

³⁸ 優填王，參見《佛說優填王經》（大正 12，70-72b）。

³⁹ 《翻梵語》卷 4：「迦羅婆利王（譯曰：自在語也）。」（大正 54，1009a5）

⁴⁰ 梵+（羅）【石】。（大正 25，242d，n.25）

⁴¹ 《翻梵語》卷 4：「梵摩達王（應云：梵摩達多。譯曰：淨與）。」（大正 54，1008c23）

⁴² 波斯尼示王，頻婆娑羅王，旃陀波殊提王，優填王，弗迦羅婆利王，梵摩達王——為佛弟子。（印順法師，《大智度論筆記》〔H025〕p.419）

⁴³ 摩+（論）【石】。（大正 25，242d，n.26）

⁴⁴ 梵摩喻，參見《梵摩喻經》（大正 1，883b7-886a21）。內容敘述婆羅門梵摩喻懷疑佛陀是否真

鳩羅檀陀⁴⁶等，皆為弟子。⁴⁷有得初道，有得第二、第三、第四道。

諸大鬼神：阿羅婆迦、鞞沙⁴⁸迦等，⁴⁹諸大龍王：阿波羅羅、伊羅鉢多羅等，⁵⁰鴛群梨摩羅⁵¹諸惡人等，皆降化歸伏。⁵²

3、能降魔度天故

若有所畏，不能獨在樹下師子座處坐。欲得阿耨多羅三藐三菩提時，魔王軍眾，化作師子、虎狼、熊羆之首，或一眼、或多眼，或一耳、或多耳，擔山、吐火，四邊圍遶。佛以手指按地，瞬息⁵³之頃，即皆消滅。

諸天、阿修羅、鞞摩質帝隸⁵⁴、釋提婆那民、梵天王等，引導其心皆為弟子。

4、能處眾說法故

若有所畏，不能在此大眾中說法；以無所畏故，能為如是諸天、鬼神大眾中說法，故名「無所畏」。

5、最尊、盡知法、得大名聞故

復次，佛於一切眾生最尊、最上，盡到一切法彼岸，得大名聞故，自說無所畏。

具有三十二相，後見到佛陀之廣長舌相及陰馬藏相等，乃信服而歸依佛陀；又聽佛說法，而證得阿那含果。

⁴⁵ 《翻梵語》卷 2：「弗迦羅婆利（應云弗迦羅婆底。譯曰：弗迦羅者，蓮華；婆底者，有）。」（大正 54，999c9）

⁴⁶ 《翻梵語》卷 6：「鳩羅檀陀（譯曰：鳩羅者，親，亦是姓；檀陀者，罰，亦云強）。」（大正 54，1019a18）

⁴⁷ 梵摩喻，弗迦羅婆利，鳩羅檀陀婆羅門——為佛弟子。（印順法師，《大智度論筆記》〔H025〕p.419）

⁴⁸ 〔沙〕—【石】。（大正 25，242d，n.27）

⁴⁹ 《翻梵語》卷 7：「阿羅婆迦、鞞沙迦（譯曰：阿羅婆迦者，不斬；鞞沙迦者，一切）。」（大正 54，1028a8）

⁵⁰ （1）《翻梵語》卷 7：「阿波羅龍王（亦云阿波羅羅。譯曰：阿波羅羅者，無流延也）。」（大正 54，1030b19）

（2）《翻梵語》卷 7：「伊羅鉢多羅（亦云伊羅鉢。譯曰：伊羅者，香鉢；多羅者，葉）。」（大正 54，1030c3）

（3）參見 Lamotte（1970，p.1580，n.5）：《佛本行集經》卷 37-38〈41 那羅陀出家品〉（大正 3，825a18-831b9）；《五分律》卷 15（大正 22，106a14-107a11）；《四分律》卷 32（大正 22，791a6-792c15）；《根本說一切有部毘奈耶雜事》卷 21（大正 24，303a6-305a17）；《福蓋正行所集經》卷 11（大正 32，741b5-742a12）。

⁵¹ 參見《雜阿含經》卷 38（1077 經）（大正 2，280c-281c）；《增壹阿含經》卷 31〈38 力品〉（大正 2，719b-722c）；《央掘魔羅經》（大正 2，512b-544b）。

⁵² 阿羅婆迦，鞞沙迦大鬼神——為佛弟子。（印順法師，《大智度論筆記》〔H025〕p.419）

⁵³ 瞬（ㄖㄨㄣˋ）：2.看，眨眼。《楚辭·九章·懷沙》：「瞬兮杳杳，孔靜幽默。」王逸注：「瞬，視貌也。」洪興祖補注：「瞬，與‘瞬’同。」（《漢語大詞典》（七），p.1204）

瞬息：1.形容極短促的時間。晉 陶潛《感士不遇賦》序：「悲夫！寓形百年，而瞬息已盡；立行之難，而一城莫賞。」（《漢語大詞典》（七），p.1255）

⁵⁴ 《翻梵語》卷 7：「毘摩質多（亦云鞞摩質帝隸，亦云毘摩質多羅。譯曰：種種疑也）。」（大正 54，1028a3）

6、於世所畏法已拔根本故

復(243a)次，且置是佛功德；佛一切世間功德亦無能及者，所畏法一切已拔根本故。所畏法者，弊家生、弊生處、惡色、無威儀、麤惡語等。

弊家生者，如首陀羅，所謂擔死人、除糞、養鷄猪、捕獵、屠殺、酤酒、兵伍⁵⁵等卑賤小家，若在大眾中，則多怖畏。

佛從本已來，常生轉輪聖王種中，所謂頂生王⁵⁶、快見王⁵⁷、娑竭王、摩訶提婆王⁵⁸，如是等名日王⁵⁹種家中生，亦以是故無所畏。

弊生處者，安陀羅、舍婆羅（裸國也）、兜呿羅（小月氏）⁶⁰、修利⁶¹、安息⁶²、大秦國等。在此邊國中生，若在大眾中，則多怖畏。

佛在迦毘羅婆中國⁶³生，故無所畏。

惡色者，有人身色枯乾羸瘦，人不喜見；若在大眾，則亦有畏。

佛金色光潤，如火照赤金山，有如是色故無所畏。

無威儀者，進止行步坐起，無有人儀，則有怖畏。

佛無是事。

麤惡語者，有人惡音聲，蹇吃⁶⁴重語，無有次第，人所不喜，則多怖畏。

佛無是畏，所以者何？佛語真實柔軟，次第易了，不疾不遲，不少不多，不沒不垢，不調戲，勝於迦陵毘伽鳥音；辭義分明，不中傷物。

離欲故「無染」，滅瞋故「無礙」，除愚故「易解」，法喜增長故「可愛」，遮罪故「安隱」。隨他心、隨解脫⁶⁵、義深語妙、有因緣故「言有理」，譬喻故「善顯示」，事訖故「善會事」；觀種種眾生心故「雜說」，久久皆入涅槃故「一味」。⁶⁶

如是等種種無量莊嚴語故，佛於語中無所畏。

佛但以如是等世間法，尚無所畏，何況出世間法！以是故說「佛有四無所畏」。

⁵⁵ 兵伍：古代軍隊編制，五人為伍，因以“兵伍”泛指軍隊。（《漢語大詞典》（二），p.91）

⁵⁶ 參見《中阿含經》卷 15（70 經）《轉輪王經》（大正 1，520b-525a），《增壹阿含經》卷 8〈17 安般品〉（大正 2，583a-584c）。

⁵⁷ 參見《般泥洹經》卷下（大正 2，185c-186c）。

⁵⁸ 《翻梵語》卷 4：「摩訶提婆王子（經曰：大天）。」（大正 54，1010b4）

⁵⁹ 參見《修行本起經》卷 2〈5 出家品〉：「日王初出時，在於山頂上，是故慧明照一切諸群生。」（大正 3，469b10-11）

⁶⁰ 參見 Lamotte（1970, p.1584, n.2）：《大唐西域記》卷 11（大正 51，872a6）。

⁶¹ 參見 Lamotte（1970, p.1585, n.1）：《大唐西域記》卷 11（大正 51，871a11）。

⁶² 參見印順法師，《初期大乘佛教之起源與開展》，p.421：「西元前 248 年前後，波斯的民族英雄安爾薩息（Arsakes），反抗希臘（及其文化）的統治，重建波斯人的王國，這就是中國史書中的安息。」

⁶³ 佛教廣大流行起來，在佛化的區域內，首先出現了佛教「中國」與「邊國」的分別。參見印順法師，《初期大乘佛教之起源與開展》〈佛教中國與邊地〉，pp.397-401。

另參見印順法師，《永光集》〈佛教的中國與邊地〉，pp.80-84。

⁶⁴ 蹇（ㄐㄧㄢˇ）吃：口吃，言語不順利。（《漢語大詞典》（十），p.534）

⁶⁵ 脫＝說【宋】【元】【明】【宮】。（大正 25，243d，n.14）

⁶⁶ 趣涅槃道一味。（印順法師，《大智度論筆記》〔G004〕p.380）

〔四〕十力與四無畏相攝⁶⁷（印順法師，《大智度論筆記》〔C001〕p.179）

問曰：佛十力中有無所畏不？若有無所畏，不應但言（243b）四；若有所畏，云何言⁶⁸「無畏成就」？

答曰：一智在十處名為「佛成就十力」；如一人知十事，隨事受名。

是「十力」，四處出用，是「無所畏」：⁶⁹

是處不是處力、漏盡力，即是初、二無畏。

八力⁷⁰雖廣說，是第三、第四無畏。

以是故，十力中雖⁷¹有無畏，別說亦無失。

〔貳〕詳釋「四無所畏」經文

一、釋「一切正智人」

「正遍知」者，知一切法不顛倒，正、不邪，如餘過去諸佛，是名「三藐三佛陀」。如佛告阿難：「一切世間天及人所不能知，佛能遍知故，名三藐三佛陀。⁷²」

二、釋「若有沙門乃至若復餘眾，如實言：是法不知」

〔一〕是法不知

若有人言：「是法不知。」

〔二〕何人言是法不知


問曰：是何人？

答曰：是中佛說：「若沙門、婆羅門，若天、若魔、若梵，乃至欲與佛論者。」

〔三〕論何等法

論何等法？

有人言：「佛所不說外諸經書，弊⁷³迦蘭那⁷⁴、僧佉⁷⁵、韋陀⁷⁶等十八種大經書⁷⁷。」



（印順法師，《大智度論筆記》〔F011〕p.338）

⁶⁸ 言+（四）【石】。（大正 25，243d，n.17）

⁶⁹ 參見《俱舍論》卷 27：「一、正等覺無畏，十智為性，猶如初力。二、漏永盡無畏，六、十智性，如第十力。三、說障法無畏，八智為性，如第二力。四、說出道無畏，九、十智性，如第七力。」（大正 29，140c17-21）

初力：處非處智力。第十力：漏盡智力。第二力：知業報力。第七力：知至處道力。

⁷⁰ 八力：知業報力，知定力，知根力，知欲力，知性力，知至處道力，知宿命力，淨天眼力。參見《大智度論》卷 24（大正 25，235c22-236a14）。

⁷¹ 〔雖〕—【宋】【元】【明】【宮】。（大正 25，243d，n.18）

⁷² 能遍知。（印順法師，《大智度論筆記》〔D024〕p.272）

⁷³ 弊+（扶掖反）夾註【石】。（大正 25，243d，n.21）

⁷⁴ 弊迦蘭那（vyākaraṇa）：文法學，文法學派。

⁷⁵ 僧佉（sāṃkhya）：數論。

⁷⁶ 韋陀（veda）：吠陀。

⁷⁷ 〔隋〕吉藏著，《百論疏》卷 1：「外道十八大經，亦云十八明處：四皮陀為四；復有六論，合四皮陀為十；復有八論，足為十八。」

有人言：「須彌山斤兩，大地深淺，一切草木頭數。」

有人言：「是常無常、有邊無邊十四難⁷⁸，佛不能答。」

有人言：「是法色法、無色法，可見、不可見，有對、無對，有漏、無漏，有為、無為等；佛但知一種道事因緣，是異法種種因緣，佛或不悉知。」

〔四〕釋「沙門乃至餘眾」

「沙門」者，說出家人。

「婆羅門」者，說在家有智人。

「天」者，說地天、虛空天。⁷⁹

「魔」者，說六欲天。⁸⁰

「梵」者，說梵天王為首，及一切色界。

「餘」者，除此更有餘人。

〔五〕釋「如實」

「如實」者，若以現事，若以因緣難。

三、釋「乃至不見是微畏相」

「乃至不見是微畏相」者，「相」名因緣。我不見小小因緣如法能來破我者，以不見故，至誠言：「安立阿梨沙（ārṣa）⁸¹（秦言聖主）住處。」

四、釋「一切漏盡」（第二無畏）

四皮陀者，一、荷力皮陀，明解脫法；二、冶受皮陀，明善道法；三、三摩皮陀，明欲塵法，謂一切婚嫁欲樂之事；四、阿闍皮陀，明呪術算數等法。本云皮陀，此間語訛故云韋陀。

六論者，一、式叉論，釋六十四能法；二、毘伽羅論，釋諸音聲法；三、柯刺波論，釋諸天仙上古以來因緣名字；四、豎底（張理反）沙論，釋天文地理算數等法；五、闍陀論，釋作首盧迦法，佛弟子五通仙第說偈名首盧迦（強河反）；六、尼鹿多論，釋立一切物名因緣。

復有八論：一、肩亡婆論，簡擇諸法是非；二、那邪毘薩多論，明諸法道理；三、伊底呵婆論，明傳記宿世事；四、僧佉論，解二十五諦；五、課伽論，明攝心法——此兩論同釋解脫法——六、陀菟論，釋用兵杖法；七、捷闍婆論，釋音樂法；八、阿輸論，釋醫方。」（大正42，251a20-b8）

⁷⁸ 參見《雜阿含經》卷16（408經）：「有眾多比丘集於食堂，作如是論：或謂世間有常，或謂世間無常，世間有常無常，世間非有常非無常；世間有邊，世間無邊，世間有邊無邊，世間非有邊非無邊；是命是身，命異身異；如來死後有，如來死後無，如來死後有無，如來死後非有非無。」（大正2，109a28-b4）

⁷⁹ （1）印順法師，《佛法概論》，pp.127-128：

經中每說到天、魔、梵。「天」即是四王天、忉利天、夜摩天、兜率天、他化天、他化自在天——六欲「天」。這雖有地居、空居的差別，但都有彼此共同的器世界，有王臣父子等社會形態。他化自在天有「魔」宮；以上即到達色界的「梵」天。這大體是印度舊有的傳說：欲天是不離欲、不脫生死苦的，沒有超出魔的統轄。如能破魔得解脫，即還歸於梵，到達不死的地方。神格的大梵天，即稱為一切世界主。天、魔、梵的層次，契合於傳統婆羅門教的解說。佛法雖引用傳說，但不以婆羅門教所說的復歸於梵為究竟的，認為還在生死中。

（2）案：六欲天中，四天王天在須彌山之半腰，忉利天在須彌山之頂，此二天名為地居天；夜摩天以上，稱為空居天。

⁸⁰ 魔：第六欲天，他化自在天。

⁸¹ 阿梨沙（ārṣa）：安穩，仙尊位，聖主。

（一）一切漏盡無畏

佛至誠言：「我一切漏盡。」若有人言「是漏不盡」者，無有畏也。

（二）釋「漏」

何等是「漏」？

1、三漏

「漏」名三漏：欲漏、有漏、無明漏。⁸²

2、六情中出垢

復次，「漏」名六情中出垢心相應心數法。

3、七漏

復次，如《一切漏障經》⁸³中，分別說七漏。

五、釋「說障道法」（第三無畏）

「障道（243c）法」，名諸有漏業及一切煩惱、惡道報障；為世間故布施、持戒、修十善道、受諸味禪；略說若能障涅槃，若善、若不善、若無記，是名「障道法」。

六、釋「說盡苦道」（第四無畏）

有人言：「道名二法：聖定、聖慧。是二事等，達到涅槃。」

有人言：「三聚⁸⁴道：無漏戒、定、慧。」

有人言：「四法，所謂四聖諦。」

有人言：「出世間五根⁸⁵。」

有言：「六出性⁸⁶。」

有言：「七覺意⁸⁷。」

有言：「八聖道，達到涅槃。」

論議師等言：「一切無漏道，達到涅槃。」

七、釋「安住聖主處」

（一）不見微畏相故安立聖主住處

是中若有沙門、婆羅門等來，如實言：「是事不爾。」乃至不見是⁸⁸微畏相；以不見

⁸² 三漏。（印順法師，《大智度論筆記》〔J007〕p.496）

⁸³ 參見《中阿含經》卷 2（10 經）《漏盡經》：「有七斷漏、煩惱、憂戚法。云何為七？有漏從見斷，有漏從護斷，有漏從離斷，有漏從用斷，有漏從忍斷，有漏從除斷，有漏從思惟斷。」（大正 1，432a10-13）

⁸⁴ 聚＝聖【元】【明】。（大正 25，243d，n.26）

⁸⁵ 參見《持世經》卷 3：「出世間五根，何等五？所謂：信根，精進根，念根，定根，慧根。」（大正 14，659b6-7）

⁸⁶ 參見《長阿含經》卷 8《眾集經》：「復有六法，謂六出要界：若比丘作是言：『我修慈心，更生瞋恚。』餘比丘語言：『汝勿作此言，勿謗如來，如來不作是說。欲使修慈解脫，更生瞋恚想，無有是處。佛言：除瞋恚已，然後得慈。』若比丘言：『我行悲解脫，生憎嫉心；行喜解脫，生憂惱心；行捨解脫，生憎愛心；行無我行，生狐疑心；行無想行，生眾亂想。』亦復如是。」（大正 1，52a8-16）

⁸⁷ 意＝分【石】。（大正 25，243d，n.27）

參見《長阿含經》卷 8：「復有七法，謂七覺意：念覺意、法覺意、精進覺意、喜覺意、猗覺意、定覺意、護覺意。」（大正 1，52b7-9）

故，至誠言：「安立阿梨沙住處。」⁸⁹

（二）佛何故言安立聖主住處

問曰：何以故佛至誠言安立阿梨沙住處？

答曰：

1、欲自利利他故

自功德具足，亦令眾生得安樂利益。若佛自得安樂住處，不能利益眾生，不名阿梨沙住處；若但利益眾生，不自具足功德，亦不名阿梨沙住處；若自有功德亦利益眾生，以是故至誠言：「我安立阿梨沙住處。」

2、自滅惡，亦滅眾生惡故

復次，佛自滅惡，亦滅眾生惡，滅二惡故，第一清淨，妙說法故，安立阿梨沙住處。

3、能轉、能開示四諦三轉十二行相故

復次，四聖諦，三轉十二行⁹⁰，能轉、能分別、顯示、敷演故，至誠言：「我安立阿梨沙住處。」

4、能除一切疑、能解一切問難故

復次，一切疑悔、邪見能除却故，一切甚深問難悉能解釋故，名「安立阿梨沙住處」。

（「阿梨沙」：第一、最上、極高、不退、不却、不沒、具足功德，無所減少⁹¹，是名「阿梨沙住處」）

如是等因緣功德力故，至誠言：「我安立阿梨沙住處。」

八、釋「在大眾中師子吼」

「眾中師子吼」者⁹²，

⁸⁸ 《大正藏》原缺「是」字，今依《高麗藏》補（第 14 冊，628b14）。

⁸⁹ 安立聖主住處。（印順法師，《大智度論筆記》〔C001〕p.179）

⁹⁰ （1）《雜阿含經》卷 15（379 經）：

爾時，世尊告五比丘：「此苦聖諦，本所未曾聞法，當正思惟時，生眼、智、明、覺。此苦集，此苦滅，此苦滅道跡聖諦，本所未曾聞法，當正思惟時，生眼、智、明、覺。復次，苦聖諦，知當復知，本所未聞法，當正思惟時，生眼、智、明、覺。苦集聖諦，已知當斷，本所未曾聞法，當正思惟時，生眼、智、明、覺。復次，此苦滅聖諦，已知當作證，本所未聞法，當正思惟時，生眼、智、明、覺。復次，此苦滅道跡聖諦，已知當修，本所未曾聞法，當正思惟時，生眼、智、明、覺。

復次，比丘！此苦聖諦，已知已知出，所未聞法，當正思惟時，生眼、智、明、覺。復次，此苦集聖諦，已知已斷出，所未聞法，當正思惟時，生眼、智、明、覺。復次，苦滅聖諦，已知已作證出，所未聞法，當正思惟時，生眼、智、明、覺。復次，苦滅道跡聖諦，已知已修出，所未聞法，當正思惟時，生眼、智、明、覺。

諸比丘！我於此四聖諦，三轉、十二行，不生眼、智、明、覺者，我終不得於諸天、魔、梵，沙門、婆羅門，聞法眾中，為解脫，為出，為離，亦不自證得阿耨多羅三藐三菩提。我已於四聖諦、三轉、十二行，生眼、智、明、覺故，於諸天、魔、梵，沙門、婆羅門，聞法眾中，得出，得脫，自證得成阿耨多羅三藐三菩提。」（大正 2，103c14-104a8）

（2）另參見《佛說三轉法輪經》（大正 2，504a7-b21）。

（3）印順法師，《成佛之道》（增注本），pp.220-221。

⁹¹ 《大正藏》原作「小」，今依《高麗藏》作「少」（第 14 冊，628c6）。

⁹² 參見《雜阿含經》卷 14（348 經）：「世尊告諸比丘：如來成就十種力、得四無畏，知先佛住

（一）釋「眾」

眾名八眾：沙門眾、婆羅門眾、刹利眾、天眾、四天王眾、三十三天眾、魔眾、梵眾。⁹³眾生於此八眾，希望智慧，是故經中但說是八眾。

（二）釋「眾中師子吼」

此中佛師子吼，亦在一切眾中；以是故，此經中言「若復餘眾」。何以故？聞佛(244a)音聲者，盡皆是眾。

復次，有人言：「佛獨屏處說法。」以是故說——在眾中作是至誠言：「我有十力、四無所畏。」是名眾中師子吼。

復次，佛示我是至誠言：「我為一切世間師，一切智人；諸有疑、不信者悉來，我當解釋。」以是故言眾中師子吼。

（三）釋「師子吼」

「師子吼」⁹⁴者，

1、辨異同

（1）示同

A、師子王

如師子王，清淨種中生，深山、大谷中住，方頰⁹⁵大骨，身肉肥滿，頭大眼長，光澤明淨，眉高而廣，牙利白淨，口鼻方大，厚實堅滿，齒密齊利，吐赤白舌，雙耳高上，髦髮⁹⁶光潤，上身廣大，膚肉堅著，修⁹⁷脊細腰，其腹不現，長尾利爪，其足安立，巨身大力。從住處出，偃⁹⁸脊頻伸⁹⁹，以口扣¹⁰⁰地，現大威勢；食不過時，顯晨朝相；表師子王力，以威震鹿、熊羆、虎豹、野猪之屬；覺諸久睡，降伏高強有力勢者，自開行路而大哮吼。如是吼時，其有聞者，或喜或怖；穴處者隱縮，水居者深入，山藏者潛伏，厖¹⁰¹象振鎖¹⁰²狂逸而去，鳥飛空中高翔遠逝。

處，能轉梵輪，於大眾中震師子吼言：此有故彼有，此起故彼起，謂：緣無明行，廣說乃至純大苦聚集、純大苦聚滅。諸比丘！此是真實教法顯現，斷生死流，乃至其人悉善顯現。」（大正 2，98a14-19）

⁹³ 八眾。（印順法師，《大智度論筆記》〔H001〕p.389）

⁹⁴ 獅子吼喻。（印順法師，《大智度論筆記》〔D003〕p.243）

⁹⁵ 頰（ㄐ一ㄩˇ）：1.臉的兩側從眼到下頷部分。（《漢語大詞典》（十二），p.311）

⁹⁶ 髦（ㄇㄠˇ）髮：頭髮。髦，通“毛”。（《漢語大詞典》（十二），p.732）

⁹⁷ 修：12.長，高。指空間距離大。（《漢語大詞典》（一），p.1370）

⁹⁸ 偃（一ㄣˇ）：1.仰臥，安臥。2.倒伏。（《漢語大詞典》（一），p.1532）

⁹⁹ 頻伸＝嚙呻【元】【明】。（大正 25，244d，n.3）

頻伸：亦作“頻呻”。欠伸。打呵欠，伸懶腰。《禮記·少儀》“君子欠伸”漢鄭玄注：“以此皆解倦之狀。伸，頻伸也。”陸德明釋文：“頻，本又作嚙。”（《漢語大詞典》（十二），p.313）

¹⁰⁰ 扣（ㄎㄡˋ）：1.同“叩”。敲擊。（《漢語大詞典》（六），p.341）

¹⁰¹ （1）厖（ㄇㄨㄥ）：同“廐”。（《漢語大字典》（一），p.75）

（2）廐：1.馬房。2.泛指牲口棚。（《漢語大詞典》（三），p.1253）

¹⁰² 鎖：1.以鐵環相勾連而成的鏈子。（《漢語大詞典》（十一），p.1366）

B、佛師子

佛師子亦如是，從六波羅蜜、古四聖種¹⁰³大姓中生，寂滅大山、深濬¹⁰⁴禪定谷中住，得一切種智頭，集諸善根頰，無漏正見修目光澤，定慧等行高廣眉，四無所畏牙白利，無礙解脫具足口，四正勤堅滿頤¹⁰⁵，三十七品齒密齊利，修不淨觀吐赤白舌，念慧耳高上，十八不共法髦髮光潤鮮白，三解脫門上身肉堅著，三示現¹⁰⁶修脊，明行具足腹不現，忍辱腰纖細，遠離行尾長，四如意足安立，無學五根爪利，十種力勢無量，無漏法眾具足身；諸佛三昧王等住處出，四無礙智頻申諸法地中，著無礙解脫口。(244b) 依是十力廣度眾生時不過，示一切世間天及人晨朝相；顯諸法王德，威諸外道論議師黨邪見之屬；覺諸眾生四諦中睡，降伏吾我著五眾者憍慢力，開異學論議諸邪見道。行邪者怖畏，信正者歡喜，鈍者令利；安慰弟子，破壞外道；長壽諸天久受天樂，則知無常。

如是眾生聞四諦師子吼，皆生厭心；厭心故得離，得離故入涅槃。是名「眾中如師子吼」。

(2) 顯異**A、佛師子吼及獸師子吼之別**

復次，佛師子吼及師子吼有差別：¹⁰⁷

師子吼者，眾獸驚怖，若死、若近死苦；佛師子吼，得免死畏。

師子吼怖，世世死苦；佛師子吼但今世死，更無後苦。

師子吼者，其聲麤惡，物不喜聞，生死怖畏；佛師子吼，其聲柔軟，聞者無厭心，皆深樂，普遍遠聞，能與二種樂：生天樂、涅槃樂。

是為差別。

B、聞佛師子吼亦有怖畏，與獸師子吼有何異

問曰：佛師子吼亦令聞者生怖，與師子吼有何等異？

答曰：

¹⁰³ (1)《中阿含經》卷 2 (86 經)《說處經》：「阿難！我本為汝說四聖種：比丘、比丘尼者，得麤素衣而知止足，非為衣故求滿其意。若未得衣，不憂悵、不啼泣、不搥胸、不癡惑；若得衣者，不染不著、不欲不貪、不觸不計，見災患、知出要而用衣——如此事利不懈怠而正知者，是謂比丘、比丘尼正住舊聖種。如是食、住處，欲斷樂斷、欲修樂修，彼因欲斷樂斷、欲修樂修故，不自貴、不賤他——如此事利不懈怠而正知者，是謂比丘、比丘尼正住舊聖種。」(大正 1，563b27-c8)

(2)《眾事分阿毘曇論》卷 4：「四聖種：謂隨乞得衣知足聖種，謂隨乞得食知足聖種，謂隨得眠臥具等知足聖種，謂樂閑靜樂修聖種。」(大正 26，645a28-b2)

(3)四聖種：隨所得衣服喜足，隨所得飲食喜足，隨所得房舍喜足，欲斷樂斷，欲修樂修。

¹⁰⁴ 濬 (ㄣㄣㄣ)：3.深。《書·舜典》：“濬哲文明。”孔傳：“濬，深；哲，智也。”(《漢語大詞典》(六)，p.185)

¹⁰⁵ 頤 (ㄣ)：1.指口腔的下部，俗稱下巴。(《漢語大詞典》(十二)，p.293)

¹⁰⁶ 《集異門足論》卷 6：「三示導者：一、神變示導，二、記心示導，三、教誡示導。」(大正 26，389b17-18)

¹⁰⁷ 人師子與獅吼之異。(印順法師，《大智度論筆記》[D003] p.244)

（A）聞佛師子吼，當時小怖，後大利益

聞佛師子吼，當時小怖，後大利益。著吾我心者，渴愛世間樂人，常顛倒所縛，邪見心者生怖畏。如《經》中言：佛說四諦，乃至上諸天悉皆怖畏，作是念：「我等無常相、苦相、無我相、空相。何以故？為顛倒心故，著常、樂相。」是為差別。

（B）獸師子吼，除離欲人，餘者皆怖畏；佛師子吼，求涅槃、離欲人皆怖

復次，聞師子吼者，除離欲人，餘者皆怖畏；佛師子吼，求涅槃、離欲人皆怖。

（C）獸師子吼，善人、不善人皆怖；佛師子吼，但善人怖

師子吼者，善人、不善人皆怖；佛師子吼者，但善人怖。

（D）佛師子吼，雖小怖畏眾生，示世間惡罪，能令人得涅槃

復次，師子吼，一切時怖畏。佛師子吼雖小怖畏眾生，示世間惡罪，令不樂世間生；觀涅槃功德利益，能除世間種種怖畏；閉惡趣，開善道，能令人到涅槃城。

2、師子吼（二十事）（印順法師，《大智度論筆記》〔C001〕p.179）

復次，二十事故，佛語名師子吼，所謂⁽¹⁾依（244c）止十力故，⁽²⁾不縮故，⁽³⁾不展¹⁰⁸故，⁽⁴⁾梵音故，⁽⁵⁾未曾有故，⁽⁶⁾能引大眾故，⁽⁷⁾惡魔驚怖故，⁽⁸⁾擾亂魔民故，⁽⁹⁾諸天歡喜故，⁽¹⁰⁾得出魔網故，⁽¹¹⁾斷魔縛故，⁽¹²⁾破魔鉤故，⁽¹³⁾過魔界故，⁽¹⁴⁾自法增長故，⁽¹⁵⁾減損他法故，⁽¹⁶⁾果報不誑故，⁽¹⁷⁾說法不空故，⁽¹⁸⁾凡夫人入聖道故，⁽¹⁹⁾入聖道者得具足漏盡故，⁽²⁰⁾隨所應得三乘故。以是故，佛語名「師子吼」。

3、結

是名師子吼總相、別相義。

九、釋「轉梵輪」

「轉梵輪」¹⁰⁹者，

（一）梵輪名義（印順法師，《大智度論筆記》〔C019〕p.218）

清淨故名「梵」；佛智慧及智慧相應法，是名「輪」；佛之所說，受者隨法行，是名「轉」。

（二）出體

是輪以具足四念處為轂¹¹⁰，五根、五力為輻，四如意足為堅牢輞¹¹¹，而正勤為密合輪¹¹²，三解脫為桴¹¹³，禪定、智慧為調適，無漏戒為塗輪香，七覺意為雜華瓔珞，

¹⁰⁸ 展＝畏【宋】【元】【明】【宮】【石】。（大正 25，244d，n.16）

展：3.寬延，推遲。《史記·酷吏列傳》：“令冬月益展一月，足吾事矣！”（《漢語大詞典》（四），p.42）

¹⁰⁹ 轉梵輪。（印順法師，《大智度論筆記》〔C001〕p.179）

¹¹⁰ 轂（ㄍㄨˇ）：1.車輪的中心部位，周圍與車輻的一端相接，中有圓孔，用以插軸。（《漢語大詞典》（六），p.1509）

¹¹¹ 輞（ㄨㄥˋ）：1.車輪的外框。（《漢語大詞典》（九），p.1287）

¹¹² 輪＝輞【宋】【元】【明】【宮】。（大正 25，244d，n.17）

¹¹³ 桴（ㄈㄨˊ）：一端粗一端銳的小木楔，插進榫縫中使接榫固定。（《漢語大詞典》（四），p.1237）

正見為隨右轉輪¹¹⁴，信心清淨為可愛喜，正精進為疾去，無畏師子吼為妙聲。能怖魔輪，破十二因緣節解¹¹⁵輪，壞生死輪，離煩惱輪，斷業輪，障世間輪，破苦輪；能令行者歡喜，天人敬慕。

是輪無能轉者，是輪持佛法，以是故名「轉梵輪」。

（三）辨異同

1、法王與輪王同異（印順法師，《大智度論筆記》〔D003〕p.242）

（1）示同

復次，佛轉法輪，如轉輪聖王轉寶輪。

問曰：佛與轉輪聖王有何相似？

答曰：

A、轉輪聖王

如王清淨不雜種中生，隨姓家業成就，眾相莊嚴身；王德具足，能轉寶輪，香湯灌頂，受王位於四天下之首，壞除一切賊法，令無敢違。寶藏豐溢¹¹⁶，軍容¹¹⁷七寶以為校飾，以四攝法攝取眾生，善用王法，委任貴姓主兵大臣以治國政，妙上珍寶樂以布施，有所知念終始無異。

B、佛法王

佛法王亦如是。釋迦牟尼、然燈、寶華等佛，諸佛清淨姓中生，先佛威儀行業，具足三十二相以自莊嚴；（245a）聖主威德備具，轉真法輪，智慧甘露味灌智首，於三界中尊，破壞一切煩惱賊，學、無學眾歡喜，所結禁戒無敢違者。無量法寶藏具足，七覺分寶莊嚴，八萬四千法聚軍，出世間四攝法以攝眾生，知方便說四聖諦法為法王儀，舍利弗、彌勒等大將善治佛國法，諸無漏根、力、覺種種妙寶樂以布施，深求一切眾生善事為所念堅固，是為相似。

（2）顯異

復次，佛於轉輪聖王有殊勝：

轉輪聖王不離諸煩惱，佛已永離諸煩惱。

轉輪聖王沒在老死泥，佛已出離。

轉輪¹¹⁸聖王為恩愛僕，佛已過出。

轉輪聖王行生死險道中，佛已過度。

轉輪聖王在愚癡闇中，佛住第一光明中。

轉輪聖王極自在四天下，佛自在無量無邊世界。

轉輪聖王財寶自在，佛心寶自在。

轉輪聖王渴樂天樂，佛乃至有頂樂已離。

¹¹⁴ 〔輪〕—【宋】【元】【明】【宮】。（大正 25，244d，n.19）

¹¹⁵ 節解：4.剖開竹節，喻順利無阻。（《漢語大詞典》（八），p.1183）

¹¹⁶ 豐溢：富足有餘。南朝梁慧皎《高僧傳·譯經中·魏天竺僧佛陀》：“由使造者彌山，而僧廩豐溢。”（《漢語大詞典》（九），p.1360）

¹¹⁷ 軍容：1.指軍隊和軍人的禮儀法度、風紀陣威和武器裝備。（《漢語大詞典》（九），p.1209）

¹¹⁸ 《大正藏》原作「轉轉聖王」，今依《高麗藏》作「轉輪聖王」（第 14 冊，630b11）。

轉輪聖王從他求樂，佛自心生樂。

以是故，佛於轉輪聖王為最殊勝。

2、法輪與寶輪之同異

（1）相似

復次，轉輪聖王手轉寶輪，空中無礙；佛轉法輪，一切世間天及人中無礙、無遮。

其見寶輪者，眾毒皆滅；遇佛法輪，一切煩惱毒皆滅。

見寶輪者，諸災惡害皆滅；遇佛法輪，一切邪見、疑、悔、災害皆悉消滅。

王以是輪治四天下；佛以法輪治一切世間天及人，令得法自在。

是為相似。

（2）顯異

復次，法輪於寶輪大有殊勝：

寶輪，欺誑；法輪，堅實。

寶輪，長三毒火；法輪，滅三毒火。

寶輪，有漏；法輪，無漏。

寶輪，樂五欲樂；法輪，樂法樂。

寶輪，結使處；法輪，非結使處。

寶輪，有量處行；法輪，無量國行。

寶輪，以一心清淨布施故世世可（245b）得；法輪，無量阿僧祇劫集一切善業因緣及智慧故得。

寶輪，王死後更不轉；佛滅度後，法輪猶轉。

寶輪，在¹¹⁹一人；法輪，在一切可度者。

（四）釋「梵輪」

1、何故名為「梵輪」

復次，「梵」名廣，佛轉法輪十方無不遍故名廣。

復次，四梵行心說故名「梵輪」。

復次，佛初得道時，梵天王請轉法輪，故名「梵輪」。

復次，佛在波羅柰轉法輪，阿若憍陳如得道，聲徹梵天，¹²⁰故名「梵輪」。

復次，有人貴梵天，欲令歡喜，故名「梵輪」。

以是故名「梵輪」。

2、梵輪法輪同異（印順法師，《大智度論筆記》〔C019〕p.218）

問曰：佛或時名「法輪」，或時名「梵輪」，有何等異？

答曰：

（1）示同

說「梵輪」、「法輪」無異。

¹¹⁹ 在：21.通“載”。《國語·周語上》：“今三川實震，是陽失其所而鎮陰也。陽失而在陰，川源必塞；源塞，國必亡。”俞樾《群經平議·國語一》：“‘在’、‘載’古得通用，陽失而載陰，謂陽在陰下以陽載陰也。”（《漢語大詞典》（二），p.1008）

¹²⁰ 參見《佛說三轉法輪經》（大正 2，504a6-b22）。

(2) 顯異

A、現四無量心，示四諦法

復次，有人言：「說梵輪者，現四無量心；說法輪者，示四諦法。」

B、因四無量心得道，依餘法得道

復次，梵輪因四無量心得道是名「梵輪」，依餘法得道是名「法輪」。

C、示四禪，示三十七品

梵輪示四禪，法輪示三十七品。

D、示修禪定聖道，示修智慧聖道

梵輪示修禪定聖道，法輪示修智慧聖道。

如是等分別「梵輪」、「法輪」差別。

(參) 釋疑

一、何法は無畏性

問曰：何法是无畏性¹²¹？

答曰：佛初得道時，得一切佛法，十力、四無所畏等。此中未來世得四無所畏智相應法，名「無所畏」。如布施時，心中思相應捨法生；又如四無量心相應名慈法門¹²²。

二、四無所畏有何次第

問曰：是四無所畏中有何次第？¹²³

答曰：

(一) 第一說

初無畏中，示人知一切法，知一切法故我漏盡，漏盡故知障漏盡法，斷是障法故說道。

(二) 第二說

復次，初無畏如示藥師一切藥草，第二示一切病滅，第三知禁忌，第四示所應食。

(三) 第三說

復次，初無畏中說一切種智，第二無畏中說無一切煩惱、習，第三無畏中說法無謬失，第四無畏中所說事辦得至涅槃。

三、諸法皆空，云何分別說四無所畏等諸相

問曰：如般若波羅蜜中說五眾乃至十力、四無(245c)所畏、十八不共法皆空，今云何分別說其相？

答曰：

(一) 無所有而物依之成 (印順法師，《大智度論筆記》[C005] p.189)

佛法中不可得空，於諸法無所礙¹²⁴；因是不可得空，說一切佛法、十二部經。¹²⁵譬

¹²¹ 四無畏性。(印順法師，《大智度論筆記》[C001] p.179)

¹²² [門]—【宋】【元】【明】【宮】。(大正 25, 245d, n.6)

¹²³ 四無所畏：次第，三說。(印順法師，《大智度論筆記》[C001] p.179)

如虛空無所有，而一切物皆依以長成。¹²⁶

（二）為度眾生不以取相著心說

復次，是十力、四無所畏，不以取相著心分別故，但為度眾生，知眾生從是因緣得解脫。譬如藥草，但為差病，不為求藥草相。如《中論》中說：

「若信諸法空，是則順於理；若不信法空，一切皆違失。¹²⁷

若以無是空，無所應造作，未作已有業，不作有作者。¹²⁸

如是諸法相，誰能思量者？唯有淨直心，所說無依止，

離於有無見，心自然內滅。」¹²⁹

肆、依大乘法釋「十力」、「四無所畏」

（壹）大小十力、四無所畏之別（印順法師，《大智度論筆記》〔C001〕p.178）

問曰：聲聞法說十力、四無所畏如是，摩訶衍分別十力、四無所畏復云何？

答曰：是十力、四無所畏中，盡知、遍知，是摩訶衍中說十力、四無所畏。

問曰：聲聞法中亦說盡知、遍知，云何言摩訶衍中說盡知、遍知？

答曰：

一、佛自說盡知、遍知

諸論議師說佛盡知、遍知，非佛自說；今說摩訶衍中十力、四無所畏故，佛自說：「我盡知、遍知。」

二、合大悲、諸法實相不生不滅說

復次，為聲聞人說十力、四無所畏，合說四諦、十二因緣等諸聲聞法，皆為到涅槃；今說摩訶衍中十力、四無所畏，合大悲、諸法實相不生不滅說。

（貳）菩薩十力、四無所畏（印順法師，《大智度論筆記》〔D024〕p.274）

問曰：佛有十力、四無所畏，菩薩有不？

答曰：有。

何者是？

一、菩薩十力（印順法師，《大智度論筆記》〔C001〕p.179）

一者、發一切智心，堅深牢固力。

二者、具足大慈故，不捨一切眾生力。

¹²⁴ 不可得空于諸法無所礙。（印順法師，《大智度論筆記》〔C023〕p.225）

¹²⁵ 不可得空不礙諸法，因此空故，說一切法，隨機分別不可取相。（印順法師，《大智度論筆記》〔D015〕p.259）

¹²⁶ 虛空：無所有而一切依于長成。（印順法師，《大智度論筆記》〔C005〕p.189）

¹²⁷ （1）參見《中論》卷4〈24 觀四諦品〉：「以有空義故，一切法得成；若無空義者，一切則不成。」（大正30，33a22-23）

（2）空則法成，不空則失。（印順法師，《大智度論筆記》〔D015〕p.258）

¹²⁸ 參見《中論》卷4〈24 觀四諦品〉：「若破於空義，即應無所作，無作而有作，不作名作者。」（大正30，34b18-19）

¹²⁹ 參見《中論》卷3〈18 觀法品〉：「諸法實相中，無我無非我；諸法實相者，心行言語斷，無生亦無滅，寂滅如涅槃。」（大正30，24a2-4）

三者、不須一切供養恭敬利故，具足大悲（246a）力。

四者、信一切佛法，具足生一切佛法及心不厭故，大精進力。

五者、一心惠¹³⁰行威儀不壞故，禪定力。

六者、除二邊故，隨十二因緣行故，斷一切邪見故，滅一切憶想分別戲論故，具足智慧力¹³¹。

七者、成就一切眾生故，受無量生死故，集諸善根無厭足故，知一切世間如夢故，不厭生死力。

八者、觀諸法實相故，知無吾我無眾生故，信解諸法不出生不生故，無生法忍力。

九者、入空無相無作解脫門觀故，知見聲聞辟支佛解脫故，得解脫力。

十者、深法自在故，知一切眾生心行所趣故，具足無礙智力。

是為菩薩十力。¹³²

二、菩薩四無畏（印順法師，《大智度論筆記》〔C001〕p.179）

何等為菩薩四無所畏？¹³³

一者、一切聞持故，諸陀羅尼得故，憶念不忘故，在眾說法無所畏。

二者、一切法中得解脫故，一切法藥分別知用故，知一切眾生根故，在大眾中隨應說法無所畏。

三者、菩薩常離一切眾畏，不作是念：「十方有來難我者，我不能答。」不見是相，在大眾中說法無所畏。

四者、忿一切人來問難者，一一皆答，能斷疑惑，在大眾中說法無所畏。

是為菩薩四無所畏。¹³⁴

伍、釋「四無礙智」（印順法師，《大智度論筆記》〔C001〕p.179）

「四無礙智」¹³⁵者：義無礙智、法無礙智、辭無礙智、樂說無礙智。

¹³⁰ 惠＝慧【宋】【元】【明】【宮】。（大正 25，246d，n.1）

¹³¹ 中邊：菩薩（十力之一）除二邊隨十二因緣行。（印順法師，《大智度論筆記》〔D015〕p.258）

¹³² 菩薩十力，參見《自在王菩薩經》卷下（大正 13，932c13-27），《奮迅王問經》卷下（大正 13，945b8-25），《除蓋障菩薩所問經》卷 7（大正 14，722b7-11），《首楞嚴三昧經》卷下（大正 15，643a24-b3），《佛說寶雨經》卷 4（大正 16，301b14-17）。

¹³³ （1）參見《大智度論》卷 5：「問曰：何等為菩薩四無所畏？答曰：一者、一切聞能持故，得諸陀羅尼故，常憶念不忘故，眾中說法無所畏故。二者、知一切眾生欲解脫因緣，諸根利鈍，隨其所應而為說法故，菩薩在大眾中說法無所畏。三者、不見若東方南西北方、四維、上下，有來難問，令我不能如法答者——不見如是少許相故，於眾中說法無所畏。四者、一切眾生聽受問難，隨意如法答，能巧斷一切眾生疑故。菩薩在大眾中說法無所畏。」（大正 25，99b1-10）

（2）菩薩說法四無所畏：1、於法不忘失，2、隨機應量失〔案：疑為「隨機應量說」之筆誤〕，3、非他所能難，4、巧答斷他疑。（印順法師，《大智度論筆記》〔A023〕p.44）

¹³⁴ 菩薩四無所畏，參見《自在王菩薩經》卷下（大正 13，932c27-933a7），《奮迅王問經》卷下（大正 13，945b26-c10），《除蓋障菩薩所問經》卷 7（大正 14，722b11-19），《佛說寶雨經》卷 4（大正 16，301b17-25）。

¹³⁵ 參見《大毘婆沙論》卷 180（大正 27，904a8-23），《俱舍論》卷 27（大正 29，142a22-28），《順正理論》卷 76（大正 29，751a2-b8），《顯宗論》卷 37（大正 29，959a15-c22）。

（壹）佛之四無礙智

一、四無礙智之名、相及分別

（一）名（印順法師，《大智度論筆記》〔C001〕p.179）

「義無礙智」者，用名字、言語所說事，各各諸法相。
所謂堅相¹³⁶——此中，地堅相是「義」，地名字是「法」，以言語說地是「辭」，於三種智中樂說自在是「樂說」；於此四¹³⁷事中通達無滯，是名「無礙智」。

（二）相（印順法師，《大智度論筆記》〔C001〕p.179）

1、義無礙智

濕相水，熱相火，動相風，心思相，五眾無常相，五受眾無常、苦、空相，一切法無我相。如是等總相、別相，分別（246b）諸法亦如是，是名「義無礙智」。

2、法無礙智

「法無礙智」者，知是義名字，堅相名為地，如是等一切名字分別中無滯，是名為「法無礙智」。所以者何？離名字，義不可得，¹³⁸知義必由於名，以是故，次義有法。

※ 名義互不相離，前人立名，後人因名識事（印順法師，《大智度論筆記》〔E007〕p.298）

問曰：「義」之與「名」為合耶？為離耶？若合名，說火時應燒口；若離，說火時應得水！

答曰：亦不合，亦不離。古人假為立名以名諸法，後人因是名字識是事，如是各各有名字，是為「法」。

3、辭無礙智

是名字及義，云何令眾生得解？當以言辭分別莊嚴，能令人解，通達無滯，是名「辭無礙智」。

4、樂說無礙智

說有道理，開演無盡，亦於諸禪定中得自在無滯，是名「樂說無礙智」。

（三）分別（印順法師，《大智度論筆記》〔C001〕p.180）

1、地別

第一、第四無礙智，在九地中。

第二、第三無礙智，在欲界及梵天上。¹³⁹

¹³⁶ 相+（地）【宋】【元】【明】【宮】。（大正 25，246d，n.2）

¹³⁷ 四+（等）【石】。（大正 25，246d，n.3）

¹³⁸ 離名，義不可得。（印順法師，《大智度論筆記》〔E007〕p.298）

¹³⁹ （1）「第二、第三無礙智，在欲界及梵天上」：因為第二法無礙智及第三辭無礙智含有語、辭，有尋有伺，故在欲界及梵天上；若二禪以上無尋無伺，即沒有法無礙智及辭無礙智。

（2）參見《大毘婆沙論》卷 180：「地者，法無礙解，有說在二地，謂欲界、初靜慮；有說在五地，謂欲界、四靜慮；有說在七地，謂欲界、未至、靜慮中間及四靜慮。義、辯二無礙解，有漏者，在十一地，謂欲界、未至、靜慮中間、四靜慮、四無色；無漏者，在九地，謂未至、靜慮中間、四靜慮、三無色；詞無礙解在二地，謂欲界、初靜慮。」（大正 27，904a25-b2）

2、智別

第二、第三無礙：世智。¹⁴⁰

第一：十智。¹⁴¹

第四：九智。¹⁴²

3、上、中、下別（印順法師，《大智度論筆記》〔C001〕p.180）

是無礙三種：上、中、下。上，諸佛；中，大菩薩；下，大阿羅漢。

二、力、無畏、無礙智之次第（印順法師，《大智度論筆記》〔C001〕p.178）

問曰：「力」、「無所畏」、「無礙」皆是智慧；內有「力」、外「無所畏」則具足，何以復說「無礙」？

答曰：「力」、「無畏」已分別。

有人雖無所畏，在大眾中說法而有礙，以是故說「四無礙智」。得是「無礙智」莊嚴「四無所畏」，「四無所畏」莊嚴「十力」。

復次，說「無所畏」，或有疑者言：「云何一人於大眾中得無所畏？」佛以前有「十力」、後有「四無礙智」，是故在大眾中說法無所畏。

三、結

如是等，分別「四無礙智」。

（貳）菩薩四無礙智（印順法師，《大智度論筆記》〔C001〕p.180）

問曰：摩訶衍中有菩薩四無礙智¹⁴³不？

答曰：有。

一、出體

何者是？

（一）義無礙智

「義無礙智」者，

1、「義」名諸法實相，不可言說；義、名、語三事等故名為義

「義」名諸法實相，不可言說。「義」、「名字」、「語言」不別異，¹⁴⁴前、後、中亦如是，是名「義」。不應離「名字」、「語言」別有「義」，三事等故名為「義」。

2、一切諸法義了了知，通達無滯

復次，一切諸法義了了（246c）知，通達無滯。

¹⁴⁰ 參見《大毘婆沙論》卷 180：「智者，法、詞二無礙解：世俗智。」（大正 27，904b14-15）

¹⁴¹ 參見《大毘婆沙論》卷 180：「義無礙解，諸有欲令唯涅槃是勝義者，有說六智性，謂法智、類智、世俗智、滅智、盡智、無生智；有說四智性，除盡無生，無礙解是見性故。諸有欲令一切法皆是勝義者，有說十智性；有說八智性，除盡、無生智。」（大正 27，904b15-20）

¹⁴² 參見《大毘婆沙論》卷 180：「辯無礙解，有說九智性，除滅智；有說七智性，又除盡、無生智；有說六智性，謂法智、類智、世俗智、道智、盡智、無生智；有說四智性，又除盡、無生智。」（大正 27，904b20-23）

¹⁴³ 菩薩四無礙智，參見《大方廣佛華嚴經》卷 26（大正 9，568c16-569a29），《大般涅槃經》卷 17（大正 12，462c22-463c9）。

¹⁴⁴ 義、名、語無異。（印順法師，《大智度論筆記》〔E007〕p.298）

是名「義無礙智」。

（二）法無礙智

「法無礙智」者，

1、「法」名一切義名字

「法」名一切義名字，為知義故。

2、依法不依人，知一切諸名字及語言自相離故

復次，菩薩入是法無礙智中，常信法，不依人；常依法，不依非法。依法者，無非法事。何以故？是人一切諸名字及語言知自相離故。

3、分別三乘，不壞法性；法性一相，所謂無相；令眾生知同法性

復次，以是法無礙智分別三乘，雖分別三乘而不壞法性。所以者何？法性一相，所謂無相。是菩薩用是語言說法，知語言空，如響相；所說法示眾生，令信知同法性。所說名字、言語通達無滯。

是名「法無礙智」。

（三）辭無礙智

「辭無礙智」者，

1、以種種語言，能令各各得解，但為人涅槃故說，莫著語言

以語言說名字義，種種莊嚴語言，隨其所應，能令得解。¹⁴⁵所謂天語、龍、夜叉、捷闥婆、阿脩羅、迦樓羅、摩睺羅伽等非人語；釋、梵、四天王等世主語，人語；一語、二語、多語；略語、廣語；女語、男語；過去、未來、現在語——如是等語言，能令各各得解。自語、他語，無所毀譽。所以者何？是一切法不在語中，語是非實義；若語是實義，不可以善語說不善。但為人涅槃故說令解，莫著語言！

2、語入實相中（印順法師，《大智度論筆記》〔E007〕p.298）

復次，用是語言，能令眾生隨法義行。所以者何？言語皆入諸法實相中。是名「辭無礙智」。

（四）樂說無礙智¹⁴⁶

「樂說無礙智」者，

1、於一字、一語、一法中說一切字、一切法、一切語，無不真實、無不利益

菩薩於一字中能說一切字，一語中能說一切語，一法中能說一切法。於是中所說皆是法、皆是實、皆是真。

¹⁴⁵ 語有種種。（印順法師，《大智度論筆記》〔E007〕p.298）

¹⁴⁶ 菩薩樂說無礙智—
┌ 1、於一字一語一法中說一切字一切法一切語，無不真實、無不利益。
├ 2、隨機為說十二部經
├ 3、隨機為各各說諸善根
├ 4、隨機說八萬四千法治八萬四千煩惱
├ 5、莊嚴說法不壞法相
├ 6、或隱身不現，用毛孔說法
└ 7、外書無不盡知

（印順法師，《大智度論筆記》〔F011〕p.338）

2、隨機為說十二部經

皆隨可度者而有所益，所謂樂修妬路者為說修妬路(sūtra)，樂祇夜者為說祇夜(geya)，樂弊迦蘭陀者為說弊迦蘭陀(vyākaraṇa)，樂伽陀(gāthā)、優陀那¹⁴⁷(udāna)、尼陀那(nidāna)¹⁴⁸、阿波陀那(avadāna)，一筑多(itivṛttaka)、闍陀(jātaka)、為頭離(vaipulya)、頌¹⁴⁹浮陀達摩(adbhutadharma)、優波提舍(upadeśa)，皆為說是經。¹⁵⁰

3、隨機為各各說諸善根

隨一切眾生根樂說：若好信者為說信根，好精進者(247a)為說精進根，好懃念者為說念根，好攝心者為說定根，好智慧者為說慧根。

如五根等，一切善根亦如是。

4、隨機說八萬四千法，治八萬四千煩惱

復次，二萬一千婬欲人根，為是根故，佛說八萬四千治法根，隨是諸根，樂說治法次第，菩薩樂說。

二萬一千瞋恚人根，為是根故，佛說八萬四千治法根，隨是諸根，樂說治法次第，菩薩樂說。

二萬一千愚癡人根，為是根故，佛說八萬四千治法根，隨是諸根，樂說治法次第，菩薩樂說。

二萬一千等分人根，為是根故，佛說八萬四千治法根，隨是諸根，樂說治法次第，菩薩樂說。

是名「樂說無礙智」。

二、論用**(一) 莊嚴說法不壞法相**

復次，菩薩用是無礙智，若一劫、若半劫，各各莊嚴說法，亦不壞諸法性相。

(二) 或隱身不現，用毛孔說法

是菩薩或隱身不現，而為眾生用一切毛孔說法，隨其所應，不失本行。

(三) 智慧無量，一切論議師不能壞

是菩薩智慧無量，一切論議師不能窮盡，亦不能壞。

(四) 外書無不盡知

是菩薩得是無礙智，轉身受生時，一切五通仙人所有經書、呪術、智慧、技能，自

¹⁴⁷ 那+ (尼陀那)【明】。(大正 25, 246d, n.7)

¹⁴⁸ 案：《大正藏》無「尼陀那」三字，今依【明】增補(參上注)，以足十二分教之數。

¹⁴⁹ 頌=頌【宋】【宮】。(大正 25, 246d, n.8)

¹⁵⁰ (1) 十二部經、梵語。(印順法師，《大智度論筆記》[J001] p.489)

(2) 參見《雜阿含經》卷 41 (1138 經)(大正 2, 300c5-8)。

(3) 《大毘婆沙論》卷 1：「一、契經，二、應頌，三、記別，四、諷頌，五、自說，六、緣起，七、譬喻，八、本事，九、本生，十、方廣，十一、希法，十二、論議。」(大正 27, 2a20-22)

然悉知，所謂四韋陀，六騫伽¹⁵¹呪術，知日月五星¹⁵²經，原夢經，地動，鬼語、鳥語、獸¹⁵³語，四足獸，鬼著人語，國王相占豐儉¹⁵⁴，日月五星鬪相，醫藥，章，算數，卜，歌舞，伎樂——如是等工巧、技術、諸經盡知，明達過一切人及諸外道；亦不自高，亦不惱他；知是俗事，不為涅槃。

（五）為諸天說法，令住無上菩提

是菩薩成就四無礙智故，色力光明殊於諸梵，諸梵恭敬愛樂尊重，心無所著；為如是等一切諸天所尊重恭敬，亦無所著，但生無常、苦、空、無我心。亦以神通發起諸天，令心渴仰而為說法，無盡無壞，斷除疑悔，令住（247b）阿耨多羅三藐三菩提。是名摩訶衍中菩薩四無礙智力，能度眾生。

（參）結

是名「四無礙智」義。

¹⁵¹ 《翻梵語》卷 3：「央伽國，舊譯曰又云騫伽，謂體。聲論者云：外國音，應言騫伽毘履耶——騫伽翻為分，毘履耶翻為國，謂分國，亦云身國。」（大正 54，1006c4-6）

¹⁵² （1）〔唐〕智嚴述，《大方廣佛華嚴經搜玄分齊通智方軌》卷 3：「東方歲星，南方熒[※]，或西方太白，北方辰星，中有鎮星，以為五星。」（大正 35，60b2-4）

※案：《大正藏》原作「瑩」，今依《高麗藏》作「熒」（第 47 冊，42c20），指熒惑星。

（2）熒惑：1.古指火星。因隱現不定，令人迷惑，故名。《呂氏春秋·制樂》：“熒惑在心。”

高誘注：“熒惑，五星之一，火之精也。”（《漢語大詞典》（七），p.216）

¹⁵³ 獸=手【宋】【元】【明】【宮】。（大正 25，247d，n.3）

¹⁵⁴ 儉（ㄐㄧㄣˇ）：5.歉收。（《漢語大詞典》（一），p.1693）